

Ale Byen Lwen Kan An

64-0719E

Branham Tabènak, Jeffersonville, Etazini

1 Annou rete kanpe on moman

Bondye byenneme, nou rekonesan anvè W, pou lòt privilèj sa a pou nou kanpe nan kay Bondye e adore Bondye ki vivan an. Nou tèlman rekonesan ke yo akòde nou privilèj sa a toujou, nan peyi a. E kounye a, nou gen rekonesans, tou, pou moun fidèl sa yo, Seyè, ki fè anpil kilomèt, dè sentèn de kilomèt, anpil nan yo. E kèk nan yo pral eseye rantre-rantre vit aswè a, sou otowout yo, atravè otowout yo. Bondye, m priye ke W ap avè yo epi W ap ede yo. Gide yo, O Papa. Nou remèsyé W pou ti lapli sa a ki rafrechi lè a, pou on moman.

2 Epi, Papa, nou priye ke W ap rankontre avè nou aswè a, nan Pawòl Ou. Paske, se poutèt sa nou rasanble, Seyè, se pou rankontre W nan Pawòl la. Ede nou, Seyè, ke rasanbleman nou pral itil pou Wayòm Ou, ke nou ka resevwa anpil èd, pou nou ka ede lòt moun. Akòde nou bagay sa yo, nou mande nan Non Jezi. Amen

Nou mèt chita.

3 M te gen kèk entèvyou prive la a. Epi, jis anvan reyinyon an te kòmanse, Billy ban m on-on pil, tèlman ke mwen-m pa konn ki bò pou kòmanse. Men nap priye ke-ke Bondye pral beni nou pou efò sa a nou fè pou rete nan sèvis aswè a.

4 Kounye a, si Bondye vle, Dimanch maten pwochen, map gon-on sèvis ankò. M fèk pale a pastè a, e tout bagay kòrèk avè yo.

5 E kounye a, m ta renmen gen tan pou m rekonèt tout bon zanmi m yo, ki isi a, men m konnen ke n ap tann. Li fè cho. Alò mwen-m pap pran tan pou m fè I, e-e map jis di sa: "ke Bondye beni nou."

6 Nou konnen, m pa konn on pi gwo bagay ke yo ka mande pou mwen, pase pou di: "ke Bondye beni w." Wè? Si L fè sa, se tout sa m bezwen, jis-jis sa. M panse ke se pi bèl pawòl nan-nan dyalèk la, "ke Bondye beni w." Epi, bon, m konnen Li fè I.

7 E jan m te di madanm mwen kèk moman de sa. Mwen-m tap eseye benyen, e m pat ka seche. Mwen-m tap siye tèt mwen, e apre m te toujou mouye. M tap siye tèt mwen, e m pat menm ka rive mete chemiz mwen. E li on ti jan diferan nan Tucson. Li fè apeprè de fwa pi cho ke isit la, men ou-ou pa swe. Pa gen okenn, pa gen okenn imidite nan lè a, alò li evapore osito ke w soti. Ou mete on basen dlo la a, epi I ale. Ou pa ka transpire, paske li jis absòbe anvan ou-ou ka swe. Ou swe, wi, men ou pa janm wè I. Alò, isit la, m tap eseye seche tèt mwen rèd. Alò, mwen-mwen an tramp kounye a.

8 M te lòt bò a nan sal la, e nou te gen sèt ou wit moun andedan an, ki te ijan, nou te oblige wè touswit.

9 Kounye a, rezon ki fè m kenbe nou la a, e m mande nou pou-pou vini, se paske mwen-m santi ke li-li itil pou nou. Mwen-mwen pa tap fè sa, zanmi m. Mwen-m gen twòp estim pou nou, pou m fè sa, jis pou vini pou-pou tandé on moun kap pale, oubyen pou tandé sa m ta gen pou di, ou on bagay. Mwen-mwen pa tap fè sa. Sa pa tap kòrèk. Sa pa tap montre lanmou ke m gen pou nou, jis pou vini konsa. E m pa kwè ke nou vini... Menm si m konnen ke nou renmen m, menm jan m renmen nou. E-e alò, mwen-mwen-mwen konn sa, sinon nou pa tap fè bagay ke nou fè. Alò, m gen ase estim pou nou, m pa tap kenbe nou chita nan chalè, konsa, si m pat panse ke sa tap on bagay kap ede nou.

10 Epitou, anvan m vin isit, m toujou fè efò, devan Bondye, pou m chwazi on ti bagay, on Ekriti kèlkonk, e m mande konsèy Li, dènye bagay anvan m soti. “Ede nou, Seyè Bondye, on jan ou on lòt, bay-bay tout sa Ou kapab bay byeneme moun sa yo.”

E mwen atann mwen, e mwen kwè, ke map viv avè nou pou tout tan. M kwè ke kounye a se moman ki pi kout ke nou genyen an, pandan ke nou kanpe ansanm konsa. Nap ansanm nan Letènité. Wè? M fè sa. Mwen-mwen-mwen kwè sa.

E m vle ede nou. Epi mwen, si m di on bagay ki mal, Papa ki nan Syèl la konnen ke, se pa paske m vle fè I, se ke m fè I san m pa rann mwen kont; m fè I nan inyorans.

11 Se poutèt sa, m konnen ke nou sou responsabilite mwen, epi sou chaj mwen, pou Levanjil la, map toujou vle kenbe nou nan paj Bib la. Epi-epi mwen...

Anpil fwa moun vin jwenn mwen, epi yo di: “Frè Branham, si ou pral jis soti isit la epi di ‘MEN SA SEYÈ A DI’ bay ti pitit mwen ki malad, lap geri. Soti lòt bò a epi jis di, ‘lap geri.’ Se sèl sa mwen vle ou fè.”

12 Kounye a, sa a fidèl, sa a bèl. Konbyen mwen apresye sa a! Men, nou konnen, m pa ka fè sa jiskaske L di m, an premye. Wè? M ka priye pou timoun lan, fè tout sa m kapab.

Men, nou wè, kisa k ta rive si m soti ak on antouzyasm epi m di sa? Wè, si m te di: “MEN SA SEYÈ A DI,” an reyalite li tap jis vle di “men sa antouzyasm mwen di.” Wè? Wè? E lè a, li ta ka rive, epi li ka pa rive. Men apresa, e si memm moun sa a anba antouzyasm mwen, e sa pa rive? Alò, moun sa a ta ka nan on sitiyasyon pafwa ant lavi e lanmò, lè a, ki kote konfyans yo tap ye? Yo tap pè ke petèt, m ta ka antouzyast ankò. Wè?

Alò, lè m di I, m vle vrèman sèten ke se vre, ak tout sa m konnen. Epi, lè L pale avè m, m ka jis di sa L montre m. Ke I bon, ke I pa bon, fòk mwen di I. Epi gendelè, li-li pa agreyab pou di moun yo bagay sa yo. Men, poutan, se devwa mwen pou di moun yo, move bagay ki pral rive yo, se devwa mwen pou m di yo bon bagay ki pral rive yo.

13 Epi, apretou, nou vle volonte Seyè a. Gendelè, volonte Seyè kontrè a dezi nou yo. Men, kanmenm, si nou vle volonte Bondye, li tout osi presye pou konnen malè ki pral rive nou, si se volonte Seyè a. Ke li byen, ke li mal, se volonte Bondye nou vle ki akonpli. E m konnen ke se konsa nou wè bagay la.

14 Bon, mwen-m konnen ke frè yo isit la, dabitid yo preche on mesaj trant minit, ven a trant minit, le Dimanch swa. E mwen-m pa konnen si ka rive fè sa ou non, alò mwen-m jis pral fè sa m kapab.

15 Kounye a, m panse pral gon sèvis batèm touswit apre. M tande ke yo batize on gran kantite moun maten an. Toujou gen batèm, isit la, tout tan. Predikatè, Medotis, Batis, Presbiteryen, Legliz Bondye, Literyen, kèlkeswa sa I ye, ki vin batize nan Non “Seyè Jezikri”.

Epi devan Bondye, lè map gen pou m parèt nan Tribunal Jijman an, map gen pou m reponn a sa. E si m te osi konvenki nan panse m, sou baz byen fonde nan tout bagay nan vi m, otan ke m ye, m ta pare pou Anlèvman an kounye a, paske m konnen ke se Verite Levanjil la. Wè? Se verite.

16 Pa gon sèl Ekriti nan Bib la, kote pyès moun te janm batize, okenn lòt jan ke nan Non Jezikri. Komisyon “Papa, Fis, ak Sentespri,” se sèlman... “Ale, fè disip nan tout nasyon yo, batize yo nan Non Papa a, Fis, Sentespri.” Pa nan... se pa rele tit sa a sou yo, men batize yo nan Non Papa a, Fis, Sentespri, ki se “Seyè Jezikri”.

17 Tout moun nan Bib la, te batize nan Non Jezikri. Epi Bib la di ke "Si on moun wete on sèl Pawòl nan Li, oubyen mete on sèl Pawòl, nenpòt jan l ye, malè pou yo". Alò, m gen ase bagay pou m pè déjà, pase pou m ajoute oswa wete on bagay nan Ekriti a.

Sa te ban m pwoblèm plizyè fwa, men m rete la la. Li se defans mwen. Sa te oblige m separe de anpil zanmi. Yo te koupe lyen avè m poutèt sa a. Men toutotan m kenbe Zanmi sa a, la a, Seyè Jezi! E Li se Pawòl la. Pe enpòt, chemen an di, chemen an difisil, Li pase menm chemen an. "E si yo rele Mèt kay la 'Bèlzeboul', konbyen plis yo pral rele moun ki disip Li yo!"

18 Kounye a, ke Seyè a avè nou tout, ke Li beni nou pandan tout semèn lan, e ke L ba nou sa m ka mande Bondye ki pi bon pou nou, sa se priyè mwen.

Kounye a nou pral li nan presye Pawòl la.

19 E-e kounye a sonje, ankò, Mèkredi swa... Èske ap gon reyinyon priyè nan mitan semèn lan, ou on bagay? [Frè Nevil di: "Madi, reyinyon priyè nan on kay, Lendi e Madi swa." - Ed.] Lendi e Madi swa, ap gon reyinyon priyè nan on kay. M sipoze moun yo konnen.

20 Frè Junior Jackson, èske li nan biling lan? Mwen... Frè Jackson, m pa... [Frè Nevil di: "Wi, jis la a." - Ed.] Li la a, Frè Jackson. Byen. Mwen-mwen... Gon lòt Frè Jackson la a, mwen...

Epi Frè Don Ruddell, èske li nan biling lan aswè a? Frè Don, jis la a.

E anpil lòt frè, m wè frè yo la a, de Arkansas, e de Louisiane, e-e de diferan kote nan tout peyi a.

21 E m gen kèk, frè aje isi a awchè a, tou. Gen Frè Thomas Kidd, ki chita la a, a dwat, kap gen katreven-katran nan kèk jou. Gen apeprè twa ou katran, yo te opere l pou pwoblèm pwostat, e li tap mouri de kansè. Doktè a te jis kondane l pou l mouri. E m prèske kraze vye machin mwen, pou m al wè l, anlè nan Ohio. E Seyè Jezi geri l san danje. E men li, li menm ak ti konpayon l, aswè a. Epi anpil nan nou konnen yo; petèt kèk pa konnen yo. Men men on nòm ak on dam, ki tap preche Levanjil anvan m te fèt. Panse a sa, e m son grammoun. Wè? Alò, m gade yo, epi pou wè yap kontinye, sa ban m kouraj.

Nou tout nou konnen Frè Bill Dauch, ki chita la a, nan kwen an.

22 Epi, O, kijan nou rekonesan pou tout gwo benediksyon Bondye yo! Se pou yo kontinye avè nou jiskaske dènye twonpèt sa a sonnen, epi, nou konnen, "Nou tout ap anlve ansanm, pou rankontre Seyè nan lè a". Panse a sa! Moun ki disparèt, yo pa ka wè w ankò, men wap rasanble ak rès gwoup la.

"Sa yo ki vivan e kap rete jiska Vini Seyè a, pap pran devan, oswa anpeche", pawòl la se: "sa yo kap dòmi," pa mouri. Non, Kretyen yo pa mouri. Yo jis pran on ti repo, wè. Se tou. Oh, lala! "E twonpèt Bondye a pral sonnen; e mò an Kris yo pral resiste an premye", yo pral parèt devan anpil moun. Epi toudenkou, ou rete kanpe epi ap gade, epi, eben, men on frè, alò ou konnen sa pap pran tan. Nan kèk minit, "Nap chanje, nan on moman, on bat je. E ansanm avè yo, nap disparèt sou tè a, anlve pou rankontre Seyè a nan lè a".

23 Epi, pou byen reflechi, avèk tout sa nou te wè nan Ekriti yo, ak pil konfirmasyon klè nan lè ke n ap viv la, li ta ka rive anvan sèvis la fini, jis panse a sa, aswè a. Konsa, ak sa, nap apwoche Pawòl Li a, pandan ke n pral nan ebredchapit 13 la, e n pral li de vèsè 10 a vèsè 14. Nan Ebredchapit 10 ak ... oswa, oswa eskize m. Ebredchapit 13 vèsè 10 a 14.

24 Bon, jan m te di a, nou menm, lè n pwomèt fidelite a drapo nou an, ki se byen, mwen ... Nou toujou kanpe pandan ke nap pwomèt fidelite a. Ak tout lòt gwo evènman yo, nou-nou

kanpe pa respè, oswa salye, elatriye, pou nasyon nou an. Epi lè y ap chante Drapo zetwal briyan an, nou kanpe an gadavou.

25 E antanke sólda kretyen, ann kanpe an gadavou pandan n ap li Pawòl Bondye a. Koute lekti Pawòl la ak atansyon. Rezon k fè m renmen li L; pawòl mwen yo ka fayi, men pa pawòl pal. Konsa, si m li Pawòl li, tou senpleman, w ap beni. Ebre chapit 13 vèsè 10. Nou gen yon lotèl kote yo pa gen dwa manje ki fèt pou sèvi tabènak la. Paske kò bêt sa yo, ke san yo te mennen anndan tanp lan pa gran prèt la pou peche, te boule andeyò kan an. Se poutèt sa Jezi tou, pou I te kab sanktifye pèp la ak pwòp san pa I, te soufri deyò pòtay la. Ann soti al jwenn li andeyò kan an, pandan nap pote lopwòb li. Paske isit la nou pa gen yon vil k ap kontinye, men n ap tann youn ki nan wout ap vini.

26 Seyè Bondye, ki moun ki responsab pou Pawòl sa a, epi ki responsab pou pran swen I atravè tout laj yo, pou asire ke I rive a nou byen nèt. Pawòl Bondye ki vyèj la, li klè. Nou tèlman dòlote I nan kè n nan moman sa a. Separe tèks sa a, Seyè, nan yon kontèks pou nou, aswè a; pou ke nou menm, pitit lèzòm, ta ka konprann sa Bondye mande nou fè. Se konsa nou mande I nan non Jezi. Amèn.

27 sijè mwen pou- aswè a se: Ale byen lwen kan an. Se byen yon ti sijè, yon ti jan dwò I, men, ou konnen, anjeneral nou jwenn Bondye nan bagay ki dwò I. Mond lan tèlman konfòtab ak bagay ke yo abitye, nan pwen ke nenpòt sa ki kontrè ak sa ki de koutim, vin tounen yon bagay dwò I. Janm m te preche kèk jou de sa, mesaj sa a isit la kèk jou de sa, nan tabènak la la a, sou: youn moun etranj. Yon kiltivatè parèt etranj pou biznisman nan; bizismann nan parèt etranj pou kiltivatè a. Kretyen an parèt etranj pou kwayan an- ... enkwayan, elatriye. Ou toujou gen lè fou pou yon moun. Kidonk, nenpòt bagay etranj lan, fè w parèt yon moun deranje pou-pou tandans jeneral la.

28 Kifè pèp Bondye a, ak pwofèt li yo, ansanm ak li - mesaje li yo atravè laj yo, ki te pote mesaj li a ki vin de Pawòl la, yo te konsidere tankou moun fou, pou moun deyò yo.

29 Noe te yon moun fou, pou gwo mond entelektyèl ke I t ap preche a. Noe ... Te sètènman yon moun fou, pou farawon an; ak pye I 'sou twòn lan epi abandone I answit, pou you bann travayè labou, jan yo te panse a. Epi Jezi te yon moun fou pou pèp la. E tout rès nan yo ki te travay epi te viv pou Bondye, yo te konsidere tankou moun fou. Yo dwe ale pi lwen pase kan yo te genyen an.

30 Pi plis ankò, m rive kwè ke moun yo pa prale vè Kris la. Koulye a, M isit la pou m eseye ede tout jan m ke m kapab, epi rann deklarasyon m nan osi klè ke m konnen ka fè yo. Epi pran pasyans avè m si w vle.

31 Pandan m ap gade epi preche atravè nasyon an, e obsèvè pèp la, M — antyèman konvenki ke pèp la pa rive jwenn Kris la. E M kwè ke se lènmi an ki jete antrav sa a. Paske, rezon ki fè m kwè sa a, li pa objektif ke yo te sible a. Yo te swa pwente sou yon - yon - yon dògm, oswa yon doktrin, oswa yon pati, oswa eksperyans, oswa yon sansasyon, oswa yon bagay konsa sa, olye pou yo te pwente sou Kris la, Pawòl la. Se poutèt sa m panse ke gen moun ki repoze destinasyon etènèl yo sou kèk dògm, oswa kèk sansasyon. Tankou, kèk nan yo di, "M te danse nan Lespri. M-M te pale an lang. M-M-M te santi dife travèse m." Epi èske w konnen, tout bagay sa yo ke demon an ka imite yo?

32 Gon'on sèl bagay li pa ka imite, se Pawòl la. Nan deba a, ant li menm ak Jezi, chak fwa Jezi venk li. "Li ekri," Pawòl la! E m kwè, jodi a, ke rezon ki fè moun yo pa vin jwenn Kris, se paske yo pwente, anpil nan yo, vè yon — yon — yon denominasyon. "vin nan legliz nou an." Oswa, " Li katechis nou an," oswa, "Kwè doktrin nou an," oswa-oswa kèk lòt sòt de sistèm. Yo pwente yo nan move direksyon an. Ebyen aksyon yo, vi ke y ap viv san Kris la, pwouve ke nan pwòp vi yo, li konfime pa bagay sa a menm.

33 Pa egzanp. Mwen pa vle blese santiman pèsonn moun. Men, ale tounen, atravè nasyon an, m te kondane fanm ki te gen cheve koupe. Sa a se Bib la. M te kondane fanm ki tap met bout pantalon, kap met makiyaj. E chak ane li vin pi mal. Sa montre ke gen yon lòt dwèt, kèk kote, kap pwente yo a kèk lòt direksyon. Epi yo pat reyisi atenn Kris la.

34 Epi yo di: "Nou fè pati yon legliz. Legliz nou an pa ... "Li pa fè okenn diferans sa legliz ou a kwè. Bondye di, "Li fo." Men, si yo te rive konprann Kris la, yo ta sispann sa. Epi, non sèlman sa, moun ta pran pozisyon I si I te rive jiska Kris la, epi I ta dwe kont sa. Mari yo pa ta kite madanm yo aji konsa. Veritab gason an pa vle madanm li aji konsa.

35 Yon jennom isit la nan vil la, lòt jou, te touye de jenn ti gason. Yo te nan yon ponp gazolin. Noumenm nan Jeffersonville nou wè I nan jounal la. Epi jèn ti fi sa a kouri antre nan yon ponp gazolin, san I pa gen anyen sou li, apènn, anyen menm, epi de jenn gason yo ki te la a te fè yon remak. Kidonk anplwaye a te touye de jenn ti gason yo; e yo te arete pou sa, yo mennen I nan tribinal la. Epi jj la mande I ', "Poukisa w ... li abiye fason sa a?" Li te di, "M panse ke I parèt bél."

36 Koulye a, gen yon bagay ki pa mache ak nonm sa a. Se pa pwoblèm mwen sil se yon ... Si li se yon pechè, gen yon bagay ki pa mache avè I '. Amou I pou fanm sa pa t ka otantik, epi lage I deyò pou yon pyèj pou chen konsa. Gon'on bagay ki pa mache. Èske moun te janm reyalize ke yo te ka jije ant sa ki byen ak sa ki mal?

37 Èske w te wè nouvo kostim de ben yo te soti yo? Èske w konnen m te predi ke fanm yo ta finalman vini ak fèy figye a, trant-twa lane de sa? Epi, koulye a yo te gen sa k abiye ak fèy figye, e jip transparan yo. Pawòl Seyè a pa janm fayi. Ou wè? Epi sa te dwe akonpli anvan fen tan an, rive a yon fèy figye. M te li I nan revi magazin Lavi a. Sa te anonse gen tranntwazan de sa, anvan fanm yo te rive chite. Li te di ki jan yo ta fè I nan jou sa a, epi men yo la a. Ki jan yo ta mete rad tankou gason, epi ki jan yo pral ... Imoralite fanm lan ta tonbe sou nasyon sa a.

38 Nan tout nasyon ki gen nan mond lan, se Amerik sa a ki pi ba. Se li ki pi sal nan bann lan. Sa a se dapre estatistik yo. Pousantaj maryaj ak divòs yo pi wo nan nasyon sa a pase nenpòt lòt kote nan mond lan, ak lòt modèl nasyon yo. Nou te konn modle sou Lafrans, koripsyon ak salte nasyon sa a, epi kounye a yo jwenn abiman yo nan men nou. Nou te depase pi lwen limit yo.

39 Mwen konn kèk rezon ki fè moun yo pa rive jwenn Kris. Si yo ta fèl, yo pa ta aji konsa. Jezi te soufri andeyò pòtay yo, pou I te kapab sanktifye pèp li a ak pwòp san pa I. Sanktifikasyon, vin de yon mo grèk, konpoze, ki vle di, "netwaye, epi mete de kote pou sèvis." Epi lè Bondye netwaye pèp li a ak san Jezi a, Li netwaye yo de salte mond lan epi I mete yo de kote pou sèvis. Se menm jan an Jezi tou, pou I te kapab sanktifye pèp la ak pwòp san pa I, li te soufri andeyò pòtay la.

40 Menm tout moun plen evanjil yo, yo te retounen touswit nan wout yo te soti a. Ki sa k te legliz pentkotist la, karant oswa senkant ane de sa? Yo madichonnen, modi, epi ridikilize legliz yo ke yo te soti ladann nan, denominasyon yo. Kisa yo te fè? "Jis tankou yon chen an a vomi I, e yon manman kochon a labou I." Yo tounen tou dwat menm kote yo te soti a, e kounye a, legliz yo osi sal ke rès nan yo a.

41 Se ton'on bagay, jan m te di sa maten an. Tankou, moun yo tankou Pyè te di, nan Sen - Sen Matye 17 vèsè 4 a 8, kote I te di, "Li bon pou n la a. Ann bati twa tant."

42 Men, Lespri Bondye te rekòmande yo pou yo pa fè I. Li te di, "Sa a se Pitit mwen renmen anpil la; tande li, "e Li se Pawòl la. Se a moun sa a nou ta dwe ap gade, Pawòl la, pa a antouzyaa nou oswa yon lòt bagay. "Li se Pawòl mwen; tande li!" E kisa yo te wè apre Vwa sa a te pale ak yo? Menm Moyiz ak Eli pa t la; menm pa yon kredo; ni anyen lòt men Jezi sèlman, e se li ki Pawòl la. Se tout sa yo te wè. Koulye a, "Ale andeyò kan an."

43 Nou jwenn ke nan kan kote gwo okazyon sa a te fèt la, monte sou mòn transfigurasyon an, tankou Pyè pita te rele I, "mòn sen an," kote I te rankontre yo. Koulye a, m pa kwè ke apot la te vle di ke mòn lan te sen; li te vle di se te yon Bondye Sen sou mòn lan. Se pa legliz ki sen an; se pa moun ki sen yo. Se Sentespri a ki nan pèp la. Sentespri a sen. Li se Direktè w ak lidè w.

44 Epi nou jwenn, nan ti kan sa a sou mòn lan, Transfigirasyon an, lè yo te komisyone pou tandé, sèl bagay yo te komisyone pou yo fè se tandé Pawòl la. Sèl bagay yo te wè, se pa t yon kredo. Yo pa janm wè lòt bagay ke Jezi, e se li menm ki se Pawòl ki fè I chè a. Ala sa bèl, pou menm kan ki te nan jaden Edenn lan. Lè Bondye fòtifye Legliz Li a nan jaden Edenn nan, pèp li a, yo te gen yon sèl miray pou yo te rete dèyè I; se te Pawòl la. Yo te gen yon sèl boukliye, yon sèl zam, yon sèl bagay, paske Bondye te konnen sa k ta defèt dyab la, e se Pawòl la.

45 Jezi te fè menm bagay la. "Se Pawòl la; li ekri. " Epi Satan te eseye-abiye I, pa site I; abiye I pou li. Jezi te di : E I te ekri tou. Koulye a, nou dwe rete ak Pawòl sa!

46 Nan ti kan sa a ke yo te gen la a, yo te gen Pyè, Jak ak Jan; epi Jezi, Moyiz, ak Eli. Epi nan kan yo a, yo te wè lonbraj lame selès, oswa gwo kolòn dife ki pandye nan nyaj sa a ki transfigire Seyè Jezi a. Epi lè yo te pare pou yo te fè yon denominasyon, youn pou lalwa, youn pou pwofèt yo, elatriye, Vwa a te di, "Sa a se Pitit Gason ke M renmen anpil la; tandé li. " Alòs, pou sa yo te komisyone a, li te jis egzakteman jan I te ye a nan jaden Dedenn lan, "Rete ak Pawòl la!" Se kan Bondye pou pèp li a.

47 Sa sanble ke, jodi a, se yon jou kote moun ap depase kan an. Nan tout bagay, yo pral pi lwen.

48 Ou konnen, yo te di m, yon ti tan de sa, ke yo te gen kounye yon avyon areyakson ki kapab ... ki fè bri sa yo ke n tandé ozalantou isit la, ki souke fenèt yo. Se lè avyon an ale tèlman vit ke I brize pwòp son li, ki rele baryè son an. Men lè I depase pwòp baryè son li, li prèske san limit nan sa I pral fè. Kidonk, m panse ke, la a, nou jwenn yon leson. Lè n al pi lwen pase pwòp baryè son nou, nan Pawòl Bondye a, Lè sa a, pa gen limit nan sa Bondye ka fè ak yon nonm ki pare pou al pi lwen pase kan an, sav le di, kan nan moun nan. Koulye a, nou wè I, ale pi lwen pase kan an, ale pi lwen pase sa a.

49 Mwen wè Satan, tou, ap mennen pèp li a pi lwen pase kan rezònman an, pi lwen pase —kan— kan sans komen an. Satan ap mennen pèp li a nan lòt direksyon an, pi lwen kan an; Bondye ap mennen pèp li a pi lwen, lòt direksyon sa a. Epi Satan te mennen yo pi lwen pase kan ki gen bon jan desans lan. Lè I rive yon kote ke moun ... epi yo ka fè e defè, san sibi anyen pou sa ke y ap fè jodi a nan lòd moral la. Sa depase panse m 'kouman ke yon nonm ka kite madanm li soti deyò a, abiye konsa, apre sa souflete yon moun paske I jouré I. Sa depase sans komen. Li ta dwe konn mye ke sa. Pi lwen ke desans komen! Ki kote limit lan ye?

50 Kèk gason oswa fanm nan laj mwen, M ta ka mande W sa. E si manman m 'oswa manman w, senkant ane de sa, te soti nan lari a ak youn nan bout pantalon oswa bikini, pe enpòt sa w rele I la,? Lwa a ta ranmase yo, imedyatman, epi mete yo nan azil pou moun fou yo. Yon dam kite kay li san rad sou li, ebyen li ta dwe nan azil sa a, paske mantalman gen yon bagay ki pa mache. Men, si sa te mantalman fè yon bagay konsa nan epòk sa a, alòs se sètènman yon siy ke gon'on bagay ki dereggle. Se toujou yon defisyans mantal, ki ale pi lwen pase la rezon; yon salte!

51 Epi lè yon nonm ka fimen sigarèt, alòs ke doktè yo pwouve I ke dè milye moun mouri chak ane akòz de sa, epi yo ka toujou pouse lafimen sigarèt, sa sanble ke gon'on bagay ki deranje nan lide nonm sa a. Men lè yon nonm gen yon chòk mantal, epi li pa ... pa ka gen tout tèt li, ki sa I ap fè, li pral kay chak doktè ki gen nan peyi a, pou konnen ki sa k pa mache avè I. E answit, li pral chita nan ba a oswa nan machin nan, epi bwè jouk li pèdi tèt li nèt; depanse

lajan I 'yo, anfonse tèt li ladann. Men si I rive antre san entoksikasyon ak alkòl, alòs, li pral depanse chak santim li jwenn, kay doktè, ap eseye chèche konnen ki sa k pa mache avè I. Sa pa fè sans.

52 Si ta gen yon zwazo malfini kap travèse vil la, epi m ta pran fizi m, m soti pa dèyè lakou m epi tire malfini sa a, dis minit apre sa m ta gentan nan prizon. Yo ta arete m ', "Pou - pou kondwit dezòdone; ap itilize yon zam a fe nan vil la; mete lavi moun yo an danje, ak yon fizi, ap tire an lè sou malfini an. " M ta ka touye yon moun, yo ta di. "Li ta dwe al nan prizon." Alòs ke yo pral vann yon nonm ase alkò pou rann li sou , epi fèmen I nan yon machin ki ta ka touye yon fanmi annantye. Apre lè yo ta kenbe I, yo ta fè I peye senk dola ak penalite yo. Ansasen premedite! Ki sa k pwoblèm nan mond lan? Gon'on bagay ki pa mache yon kote.

53 Koulye a, "ale pi lwen pase kan an," pi lwen pase la desans, pi lwen pase la rezon. Ou remake, politisyen nou yo jodi a pa pral di anyen sou lekti Bib la nan lekòl. Yo pè. Yo pa konn ki bò van an ap soufle. Yo pa konn si yo pral pèdi vòt la, ou pa. Nou bezwen yon lòt Abraham Lincoln. Nou bezwen yon lòt John Quincy Adan. Nou bezwen yon moun ki pral kanpe, kèlkeswa ki bò van an ap soufle, epi bay konviksyon onèt yo.

54 Jodi a, yon predikatè denominasyon, menm si w montre l 'nan Pawòl la, verite a, li pa konn ki sa pou I fè. Li pè poul pa pèdi tikè manje I la. Nou bezwen gason ak fanm jodi a ki kosto ak Levanjil la, yon moun ki pral kanpe epi pale de konviksyon I, lonje dwèt sou sa k dwat ak sa k mal, si wi ou non Pawòl Bondye a se verite a oswa si se denominasyon an ki gen rezon.

55 Jezi di: "Se pou pawòl chak moun se manti, epi Pa m se verite a. Syèl la ak tè a ap pase, men Pawòl mwen yo p'ap janm pase. "

56 Konsa, ou wè, yo ale pi lwen pase kan Pawòl Bondye a, pou jwenn repons yo. Nou ... li te ... konvenk yo nan kan Pawòl Bondye a, jan I te fè Èv nan jaden Dedenn nan, Satan te fè menm bagay la jodi a. Dakò. Nou jwenn sa. Yo te konvenk moun yo ak dògm yo ak kwayans yo a andeyò kan an, pou kan dogm ak kwayans pa yo a. Yo gen yon kan tou, e sa mete yo nan kan I. Kan pa I se kan edikasyon, teyoloji, zèv yo, diplòm doktora, edikasyon, pèsonalite, tout bagay ki kont kan Pawòl Bondye a. Bondye gen yon kan pou pèp li a. Denominasyon an gen pwòp kan I.

57 Gen twa mil an de sa, yon nonm te ka rankontre Bondye nenpòt kote. Se t on bagay òdinè pou on nomm rankontre Bondye. Men pouki yo paka rankontre L jodi a? Gen plis moun, dè milye fwa milye ak milyon plis moun ke sa fè twa mil an, e poutan Bondye vin on bagay ansyen ke y ap pale de Li, on istwa ansyen. Yo paka rankontre Bondye an pèsòn, jan yo te konn fè sa plizyè lane pase, jan m te di a, twa mil, sa fè twa mil an. Yo pa kapab. Se pa fasil pou lòm rankontre Bondye. Si on moun ap pale de sa, yo konsidere I tankou on moun fou, on moun ki pèdi tèt li. Sa tèlman rar pou yo!

58 Nan ka pa Abraham lan avèk kan pa I la, enben, se te prèske on okazyon kotidyen ke Abraham te konn rankontre Bondye. Li te pale avè L. Non sèlman sa, men lè yo t al anba nan Gera, nan on vwayaj; nou jwenn, anba la, Bondye te nan kan an avèk Abimelèk, on Filisten. Se t on bagay trè òdinè. Yo te konn viv nan kan an ak Prezans Li.

Jodi a, y ap viv nan pwòp kan yo, e yo pa gen anyen pou yo wè ak kan Bondye. Yo pa vle annafè avè I, paske pou mond lan se fanatik. Pou yo se fanatik. Men, sonje, lè Bondye te etabli premye kan an pou moun yo, Li te fòtifye yo avèk Pawòl Li. Li toujou fè I. Men, jodi a, nan kan pa yo, yo pa fè sa. Se poutèt rezon sa ou pa tèlman tandem apwopo de Bondye. Bon, m kwè ke--ke kan an...

59 Pou Moyiz menm, kouman Li te rankontre Moyiz nan dezè a. Moyiz te g on kan deyò la kote li t ap pran swen brebi bò-pè I, Jetwo, nan fon dezè a. Epi on jou, pou vye bëje granmoun katreventan sa, li te wè on Limyè, on Kolòn Dife nan on bwison, ki t ap boule. E li te rankontre Bondye; on nomm ki t ap fwi Bondye.

Jou apre a. Pafwa rankontre Bondye fè w fè dè bagay ki soti de lòdinè. Moyiz te trè biza, jou apre a. Li te gen madanm li chita an kalifouchon sou on milèt, ak on ti bebe sou tay li; ak bab li desann byen long, avèk on baton kwochi nan men I, ap desann an Ejip, pou pran kontwòl nasyon an. Bon, sa se t on tablo ridikil!

“Kote w prale, Moyiz?”

“M pral an Ejip.”

“Pou fè kisa?”

60 “Pou pran kontwòl li!” Li te rankontre bondye. Envazyon pa yon sèl òm. Sa te sanble tèribman etranj. Men, bagay la sè ke, li te fè I, paske li te rankontre Bondye. Se jis kòm si on sèl moun ta pral pran kontwòl Larisi; se tout sa w bezwen, on moun nan volonte Bondye. Moyiz te nan volonte Bondye. E li te g on baton kwochi nan men I, pa on epe; on baton. Bagay biza yo, se sa Bondye fè.

61 Men, sonje, Moyiz te dwe soti deyò kan li t ap viv ladann lan, pou fè sa, paske li te deja desann la avèk on lame antye e li patka fè I. Avèk tout lame Ejip yo, li patka fè I. Men on jou Bondye te envite I nan kan pa L.

Li te mande, “Kimoun Ou ye?”

62 Li te reponn, “MWEN YE SILA KI MWEN YE A.” Pa, “Mwen te, oswa Mwen pral.” Tan prezan, “MWEN YE! M se Bondye Abraham, Izarak, ak Jakòb. Mwen tande kri pèp la, e M raple m pwomès Mwen, e sa se tan pou sa akonpli. M ap voye w anba a, Moyiz, ak baton sa ki nan men w lan.”

63 Kisa sa te ye? Konsènan li, bon, moun yo te panse li fou. Men kisa I te fè? Li te kite pwòp kan I. Farawon te edike I pandan karantan nan kan lekòl, e li te echwe. E sa te pran Bondye on lòt karantan pou fè sa soti nan li. Tout edikasyon ak tout teyoloji ke yo te anseye I, sa te pran karantan pou te fè sa soti nan li. E apre sa Bondye te itilize I pandan karantan.

64 Bondye te pase on peryòd tèrib ap prepare moun Li an. Men, ou wè, Li pa janm met Mo...met men sou Moyiz, jiskaske Moyiz te kite pwòp kan I ke lòm te fè, pase de fason militè pou fè sa, epi fason natirèl pou fè sa, a fason sinatirèl pou fè sa. Alò, kan li te antre nan kan sa, Bondye te ka itilize I.

65 Kounye a, nou jwenn ke nan dezè sa...Nou remake ke lè yo te pran pazisyon yo, kite Lejip, pou vin nan kan Bondye; kite kan prêt yo ak yo tout ki t ap di, “Vann tèt ou kòm esklav, pou rès tan an.” Kan Moyiz pwofèt la te desann e ke li te konfime Pawòl Bondye a ki te toupre, ke Bondye ki te fè pwomès la te la pou delivre pèp la; yo te pase de kan yo te ye a, a kan Pawòl pou tan an ke Bondye te pwomèt la. Yo te kwè pwofèt sa, paske siy konfirmasyon an te pwouve ke se te egzakteman Pawòl Bondye a. E bagay li te fè yo te pwouve ke se te vre, e Kolòn Dife a ki t ap swiv li nèt ale, te pwouve ke se te Pawòl Bondye a.

66 Bon, nan kan sa, mirak, siy, ak bèl mèvèy te nan kan sa.

Sa te fè yo soti nan dezè a. Yo te abandone kan natirèl yo. Yo te kite kan labou yo a. Yo te kite kan ki te fèt ak pay ak brik, pou abite nan tant deyò nan dezè a, kote ki pat gen okenn grenn ble oswa anyen lòt. Pafwa Bondye mande nou pou fè dè bagay fòl, pou pwòp panse nou. E si w te janm kite kan pwòp rezonman w, se plas kote w va jwenn Bondye.

67 Remake, alòske yo te soti al nan dezè a, te gen mirak, siy, lè yo te deplase al lan kan sa. Kounye a sonje, yo te kite kan Ejip la pou yo t al nan dezè a avèk kan Bondye a. Kouman w fè konnen ke se te sa? Bondye te di, “Pèp ou va ere pandan katsanzan, men Mwen va fè yo soti avèk on men pwisan, e M va ba yo peyi sa la.” E yo te sou wout yo, ak on Limyè konfime,

on pwofèt konfime, avèk siy, bél mèvèy, kòm kwa Bondye te nan kan an, e yo te sou wout yo. Yo te g on kolòn Dife. Yo te g on pwofèt. Yo te gen lamàn. Yo te gen dlo lavi. Amèn! Yo te chanje, te chanje kan. Yo te dwe fè sa. Yo patka wè bagay sa yo an Ejip. Yo te dwe chanje kan, pou yo te ka wè sinatirèl la.

68 Kifè èske moun jodi yo va chanje kan soti nan denominasyon k ap di, "Jou mirak yo pase. Batèm Sentespri sa pa egziste. E tout Ekriti sa yo fo; yo te konn fonksyon pou yon lòt aj." Ou va oblige chanje kan, ale byen lwen kan sa, pou jwenn kote tout bagay posib la.

69 Tou sa t ap konfime Prezans Li nan kan an. Bon remake la, yo menm, yo te g on kan tradisyon ak kredo ke men lòm te fè, apre lanmò Moyiz. E Bondye te trete avèk pèp la pandan anpil lane. Bondye pa nan kan L, ankò, nan kan pa yo, paske yo fabrike on kan pou yomenm, pwòp kan pa yo.

70 Sonje, lè yo te rele yo pou kite Lejip, Bondye te ba yo on pwofèt, te ba yo on ayo pou sakrifis, te ba yo tout sa yo te bezwen; pawòl la, siy, mirak, on pwofèt pou kondwi yo, on ekspiyasyon pou pran swen yo, Kolòn Dife a pou kondwi yo. E lè yo te soti al nan dezè a, yo te toujou pat satisfè. yo te vle on bagay ke yo te ka fè, yomenm. Gras la te bay sa; la yo te vle fè on bagay, yomenm, pou yo te ka bati on òganizasyon, pou ap batay fè diskisyon konplete, sou kilès ki ta pral gran prèt la, e kilès ki ta pral sesi, sela ou se lòt bò. On jou, Bondye te di, "Moyiz, separe w de yo," e Li te annik anglouti yo nan revòl Kore a.

71 Kounye a remake, tout siy ak bél mèvèy sa yo te konfime Prezans Li.

Alò li te fabrike li...lòm te fabrike pou pwòp tèt li on kan, on kan kredo ak tradisyon, pa kan Bondye ak Pawòl Li. On kan pou tèt pa yo! Li te oblige kite yo, paske Li se Pawòl la. Li paka rete kote y ap anseye moun yo soti kite Pawòl sa. Bondye paka rete nan kan sa. Li pa kapab. Li pat janm fè I. Li dwe rete egzakteman kote Pawòl Li ye.

72 Alò, lè Li te oblige kite kan sa, avèk tout bann moun sa yo ke Li te fè soti kite Lejip, Li te sèlman abite nan pwofèt Li yo, ke Pawòl la te vin jwenn. Pawòl la te vin jwenn pwofèt la, pou konfime tan an. Li te abite pamí pwofèt yo, e Li te revele L a pwofèt yo. Se pa tikras modi , yo pat modi moun yo, epi bagay la. E Bondye te anseye yo kòmandman Li, ak chemen lavi a. E moun yo te toujou kont sa, yo te pèsekite pwofèt la, pou finalman te lapide I, oswa siye I an mòso, pou yo te debarase avè I.

73 Jezi te di, "Kilès nan pwofèt yo zansèt nou yo pat asasinen? Kilès ladan yo, sila ki jis yo ke yo te voye ba yo?" E Li te di, "Se zèv papa nou ke n ap fè." Li patap pale a kominis. Li t ap pale a prèt, moun nan denominasyon, Farizyen ak Sadiseyen. M imajine vwa L patap chanje tèlman aswè a, sèlman pou vin pi mal, petèt, pou yo.

74 Bon, nou jwenn ke Li te abite pamí pwofèt Li yo. Alò Li te vin on etranje pou yo, paske Li demere sèlman nan Pawòl Li, pou konfime L. Bib la di ke L ap veye sou Pawòl Li, pou konfime L. L ap eseye jwenn on moun.

Si L ka jis jwenn on moun ke kè I a mwatye, tankou Samson. Samson te abandone fòs li bay Bondye, men li te bay Dalila kè I. Se fason sa nou fè anpil fwa, jodi a, jis bay Bondye on bagay, men pa tout. Men, Bondye vle tout noumenm.

75 Menm jan ak on kontra asirans, lè w g on kontra asirans, ou kapab byen pran on kouvèti konplè. E se sa ke asirans beni sa fè pou nou. S on kouvèti konplè. Li kouvri tout sa nou bezwen isit la pou vi sa, rezirèksyon nou, Lavi Etènèl. Li enkli tout bagay.

76 Remake, Bondye te rete deyò kan yo a la pandan katsanzan. Poukisa? Li pat gen pwofèt ankò. De pwofèt Malachi, a pwofèt Jan, katsanzan, Izrayèl pat fè okenn pwogrè. Bondye te deyò kan an. Yo te mete L deyò, ak kredo yo ak egoyis yo, epi ak diferans yo anvè Pawòl la.

Katsanzan san Pawòl la! De yon pwofèt a yon lòt, Li t ap deplase, jiska dènye pwofèt la Malachi, e apre sa pat g on lòt pwofèt pandan katsanzan.

77 E apre sa Bondye te vin sou sèn lan ankò. On jou Li t ap mache pami yo ankò, men tradisyon pa yo te si tèlman pran plas Li pami yo, ke Li te vin on etranje pou yo. Tradisyon ansyen yo, yo te gen lavaj chodyè, ak--ak jan pou yo penyen cheve yo, epi mete on jan de bouton nan vès yo, ak sèten wòb pou prêt--prêt yo; ak--ak youn ki se on Farizyen tout bon, epi lòt la se on Sadiseyen. E sa te pran plas Pawòl la pami mesye sa yo, lè Bondye te vizite yo, Li te vin on etranje.

78 Pèmèt mwen di sa avèk lanmou ak respè, men pou nou mennen I lakay. Se menm bagay la jodi a. Sa pa chanje on ti kras. Lè L vin pami moun yo, nan pwisans ak manifestasyon Li, pou pwouve ke Pawòl Li se menm lan ayè, jodi a, e pou tout tan, paske Li se Pawòl la, moun yo di, "Se on divinò, Bèlzeboul, on Jezi sèl, oswa--oswa on bagay konsa." Genyen ki klase w mete w on kote, men sa dwe konsa.

Ou wè, nou pat g on pwofèt kounye a depi prèske de mil an. Moun lòt Nasyon yo pat gen youn, ou konnen; ki te pwomèt alafen. Bon, nou konn sa, dapre Lèzekriti. Nou konnen sa, tou, dapre listwa ke yo te pwomèt nou sa.

79 Kounye a, apre kasanzan, bondye te jis ap mache pami yo on jou. Dapre Lèzekriti, Li te gen pou L te fè L chè epi demere pami yo. "Yo va rele L Konseye, Prens de Pè, Bondye Toupwisan, Pè Etènèl."

E kan Li te vin pami moun yo, yo te di, "Nou pa vle Nonm sa pou dirije nou! A ki--a ki fratènité Li afilye? Ki denominasyon ki te voye L?" Li pa gen okenn kolaborasyon. Chak legliz Li te ale, yo te mete L deyò. Yo pat vle annafè avè L, poutèt Li pat youn pami yo.

E jan I te ye la, se konsa I ye kounye a! Bib la di ke legliz Lawodise t ap mete L deyò, e Li t ap frape, ap eseye antre. G on bagay fo kèkpa.

80 Bon, poukisa? Yo te fabrike pwòp kan yo. Yo, si yo te konn Pawòl la, yo t ap konnen Kimoun Li te ye. Jezi di, "Si nou...Sonde Lèzekriti, paske Ladann nou panse nou gen Lavi Etènèl. E se yo ki temwaye nou Kimoun Mwen ye!" Se sa Lèzekriti di. Bon, "Yo temwaye de Mwen. E si M pa fè zèv ki te pwomèt pou M te fè yo, si M pa fè zèv ke Papa M, Pawòl la..." O kòmansman Pawòl la te la, e Pawòl la te avèk Bondye, e Pawòl la te Bondye. E Pawòl la te fè L chè e Li te abite pami nou.' Bon, si M se Moun sa, sonde Lèzekriti pou wè kisa M sipoze fè. E si M pa kalifye; si zèv Mwen yo, zèv ke Pawòl la temwaye, ke Papa a temwaye de Mwen, si yo pa konfime Kimoun Mwen ye, alò Mwen fo." Se vre. "Si nou paka kwè M, kwè Pawòl la," Li te di, "zèv ke Pawòl la pwodwi."

81 Ou wè, Li te tounen on etranje pami yo. Yo pat konnen L. "Nou pa vle annafè ak Nonm sa, se jis on Nonm biza ki te fèt la nan on etab on kote." E yo te kwè ke manman L te pran Bebe sa anvan L te fèt, ou pito anvan L te...te gen Bebe sa apati de on nesans ilejitim, pito. E apre sa, yo te, anvan Bebe a te fèt, li te sove pou l t al marye avèk Jozèf; e li te fè sa jis pou te sove repitasyon I, karaktè I. "E Li te vin on jan de Nonm biza, paske Li t on timoun ki te ne ilejitim, e se poutèt sa Li te sa."

E kan Li te manifeste, kisa L te fè? Li te mete an pyès credo yo, te chavire tab yo, te bat yo pou chase yo, e Li te di, "Men sa ki ekri!" Amèn! Sa te dwe endike Kimoun Li te ye. "Men sa ki ekri!"

82 Ebyen, yo pat vle annafè ak on Nonm konsa. Men nan pwofon kè yo, yo te konnen Kimoun Li te ye, paske Nikodèm te deklare sa ouvètman. "Mèt, noumenm, Farizyen yo, nou konnen ke ou se on anseyan ki vin de Bondye, paske pèsonn paka fè bagay w ap fè yo si Bondye pa avè I." Poukisa yo pat konfese L lè sa? Se paske kan pa yo te trase fwontyè I. Sa patap kite L antre nan kan an. Sa patap kite pèsonn soti al jwenn Li. Yo te gen pwòp kan pa yo. Li te vin

Iannwit, kan pòt la te byen fèmen. Men li te dekouvri ke se te posib, pou rankontre L, nenpòt fason an.

83 Wi, menm bagay la kounye a! Yo te gen...Li te vin on etranje, on moun deyò. Yo pat konprann Sa. "Poukisa sesita dwe, e poukisa selata dwe?" Alòske Pawòl la Limenm temwaye ke se egzakteman sa ki te sipoze rive nan jou sa. Se pa tikras pase nou pat pase sou sa, ankò e ankò, men se Laverite.

84 Pou yo nan kan pa yo, Li te, "On fanatik, youn ki t ap kraze tradisyon yo, youn k ap bay legliz yo pwoblèm, vrèman jis on divinò, on espirityalis ke yo te rele 'Bèlzeboul.' Se sa L te ye."

E mwen kwè, si L ta vini pami nou jodi a, pou nou, Li t ap menm bagay la. Paske, nou gen tradisyon, nou gen denominasyon, nou paka menm tolere youn lòt. Poukisa? Genyen on sèl plas kote moun ka tolere lòt, se, anba San vèse a. E San an te vèse, kòm on jèm de vi, pou fètيلize Semans sa, Pawòl la. Apa sa, baryè denominasyon nou yo va toujou gade moun lwen.

85 Men Li t ap on etranje jodi a. Yo t ap rele L menm bagay la. Yo t ap imite L, yo t ap mete L deyò nan kan an. E èske nou te konnen...Menm Bib ki di lèzòm ta pral rejte L, "Om, de doulè, abitye ak soufrans," e yo te rejte L, "e nou te konsidere L kòm frape epi aflije pa Bondye," Lèzekriti menm te di sa. Menm pwofèt ki te chante, "Bondye M lan, Bondye M lan, poukisa W te abandone M? Zo kò M, te fè ke yo tout t ap leve nen yo sou Mwen. Yo te pèse men M ak pye M." Lè yo t ap chante kantik sa nan legliz; Sakrifis pa yo a, Bondye menm yo te konnen yo t ap sèvi a, se Li yo t ap krisifye.

Se konsa I ye jodi a, menm Bondye a!

86 Gade kisa pwofèt la te di, Amòs, lè I te antre an Samari. E ti jye I yo te plise pandan li t ap monte pou wè vil plen peche sa, fanm ki t ap layite nan lari a, ak gason, yon Amerik modèn. Lè I te leve ap gade I, jye I yo te plise. E li pat gen pèsonn pou ba I sipò. Li pat gen kat de manb. Bondye te voye I. Èske moun yo ta pral tandé Mesaj li a? Non, yo pata pral tandé I. Men li te pwofetize, e li te di, "Menm Bondye ke nou pretann ap sèvi a Li va detwi nou."

E mwen di, lan Non Jezikri: Menm Bondye ke nasyon sa pretann li genyen an, on nasyon reliye, menm Bondye yo pretann y ap sèvi a va detwi yo nan inikite yo. Li va detwi chak denominasyon sou tè a, sa yo pretann ap sèvi a.

87 Kifè, remake, Li te pran abò yo, e yo te mete L deyò lan kan yo a. "Jezi te soufri andeyò kan an." Yo te mete L deyò lan kan an, a leksteryè, byen lwen kan pa yo a.

88 Nou jwenn ke Bib la di, nan dènye jou sa anba Aj Lawodise sa, yo pral fè menm bagay la. Yo va mete yo deyò kan an.

Bon siveye kisa Li di pou w fè kounye a, pandan n ap fini.

"Yo te mete L andeyò kan an," kote yo te konn boule sakrifis yo. Se la plas Li ye. Li te Sakrifis la.

89 Bon, frè, sè, èske nou konnen ke nou chak dwe sakrifye; nou dwe vin sakrifis Bondye a; sakrifye bagay nan mond lan; sakrifye pwòp plezi w nan mond sa; sakrifye bagay nan mond lan? Ou konn rezon ki fè moun yo pap fè I?

90 Ou konnen, on brebi, on brebi pa gen anyen lòt pou ofri ke yon sèl bagay, e se lenn lan. E, kounye a, yo pa mande I pou pwodwi oswa pou fabrike lenn pou ane sa. Yo mande I pou pwod...pou pote lenn.

Yo pa mande nou pou nou fabrike on bagay. Yo mande nou pou nou pote fwi de Lespri. Ki, anndan brebi a, sa l ye a lenteryè, se sa ki fè lenn lan a leksteryè. E kan on nonm gen Kris a lenteryè, sa fè l sanble ak Kris a leksteryè, pa on fè sanblan atifisyèl.

91 Ebyen, nou jwenn ke lè sa rive, lè Kris retounen kijan yo te trete L? Jis egzakteman tankou sa te pase o kòmansman. Se te toujou konsa.

92 Kifè, Li te tèlman pran abò yo, ke yo te mete tèt yo deyò kan pa L la, e yo te deklare L on pechè. Se sa, "Li te vin peche poutèt nou."

93 Kounye a, apre dè santèn dane, wi, plis ke de mil an, Li te vizite kan yo a ankò, dapre Pawòl pwomès Li a ke Li va fè nan dènye jou yo. Li te vizite kan an a nouvo. Li te vizite kan an, pou manifeste Pawòl sa jodi a.

Jis tankou Li te vizite laba jou sa, e Li te fè l nan tan Moyiz la. Se pat Moyiz ki t ap fè sa; Moyiz t on nonm. Se te Kris.

94 Gade Jozèf, lavi li; papa l te renmen l, frè l yo te rayil, paske li te yon vwayan. E yo te rayi l, san rezon. Se pou sèl rezon sa a yo te ka rayi l.

Se yon tip pafè pou jodi a, egzakteman. Legliz la, ankò, yo rayi bagay espirityèl.

E nou wè ke yo te vann li pou apeprè trant pyès lajan, sipozeman pou yo te touye L. Yo te pran L epi mete l nan prizon; tankou Jezi te ye sou lakwa. Yon nonm te pèdi, yon nonm te sove; epi yo te retire l la pou mennen l adwat Farawon. Se egzakteman sa ki te rive Jezi.

95 Te gen David, e li t ale nan lari yo, ap kriye, antan ke yon wa rejte; epi li te chita sou mòn lan, ap kriye sou Jerizalèm. Se pat David. Pitit David la, kèk santèn lane apre sa, te chita sou menm mòn lan epi li te kriye paske Pwòp pèp Li te rejte l. Se Kris, toujou.

E, jodi a, lè sa te pwofetize ke Kris dwe vini nan kan an, nou konn sa k te pase? Sa va refèt egzakteman jan sa te fèt nan tan pase a. Li dwe konsa, pou akonpli isi a sa Pawòl la te pwomèt Li t ap fè a.

96 Kounye a sonje, Kris te nan laj Noe a. Se te Kris, "Jezikri menm lan ayè, jodi a, ak pou tout tan," Pawòl rejte pou lè a.

97 Remake, e pwofesi Li a nan Apokalips 3, nou jwenn, lè L ap vini nan dènye jou sa a, kòm Li te pwofetize Li ta gen pou vini nan dènye jou sa a. E nan ki eta Li te jwenn legliz Lawodise? "Rich, pa bezwen anyen." "Epi li chita la tankou yon rèn epi li pa ka konnen okenn lapenn." "E yo te mete L deyò legliz la," yo pat bezwen L. Li te soti deyò kan an ankò. Men li pat konnen ke li te toutouni, avèg, epi mizerab; e li pat konn sa.

98 Ankò, si Li vini ankò menm fason an kòm Li te ye nan tan pase a, Li t ap reprimande chak fanm ki pote bout chòt. Li t ap reprimande tout fanm ki raze cheve yo, chak figi ki makiye, chak gason ki ta rabese l ase pou l kite madanm li fè sa. Li t ap toujou pran pozisyon, Li t ap demoli chak denominasyon ki te genyen, epi detwi tout kredu nou te genyen. Nou kwè Li t ap fè sa? [Kongregasyon an di: "Amèn!"--Editè a.] Sètènman Li t ap fè l. Se vre.

99 Kisa yo t ap fè avè L? Mete L deyò nan kan an. Se sèten yo pa t ap kolabore avè L. Non, mesye!

100 Kounye a nou jwenn Li ankò, nan jounen jodi a, jan Bib la te di Li t ap ye a, yo mete L deyò nan kan an. Paske Li toujou rete menm lan, Pawòl la, menm lan ayè, jodi a, ak pou tout tan.

101 Yo-yo pa bezwen L. Yo rejte L ankò ak konsèy yo a. Yo ta prefere, jodi a, jan yo te fè l lè sa a lè Li te nan jijman. E jodi a, lè Pawòl la nan jijman, kisa k pase? Yo rejte ankò jan yo te

fè lè sa a, epi yo te aksepte yon Barabas, yon ansasen, olye de Kris. Konsèy la t ap fè menm bagay la. E, jodi a, paske yo rejte Pawòl la ak konfimasyon pafèt pou lè a, yo te fini e yo te prefere yon Barabas, Konsil Mondyal Legliz yo, yon asasen Pawòl la. [Espas vid sou kasèt la-Editè a.]

102 Yo renye Pawòl Li, yo renye batèm Li a, yo renye Pwisans Li, yo renye siy Li yo. Epi avèk yon kredo ak yon tradisyon ankò, pou fè kòl yo tounen sou dèyè, ak tout bagay, y ap fè kredo pou tèt pa yo, e latrìye, y ap eseye, avèk bòn zèv. Yo pat òdone pou Lavi, pou konmanse. Yo pat gen anyen pou fè yo kwè.

“Sila ki konnen M, konnen Papa M. E menm jan Papa a te voye M, Mwen voye nou tou.” Bondye a ki te voye Jezi te antre nan Jezi. E Jezi ki voye nou an antre nan nou. “Sila ki kwè nan Mwen, zèv Mwen fè yo li va fè yo tou. Ale patou nan lemonn, epi preche Levanjil la bay tout kreyati,” nwa, jòn, blan, bren, kèlkeswa moun li va ye a. “Siy sa yo va swiv sa yo ki kwè.” Jouk ki kote? “Nan lemonn antye, e a tout kreyati.”

103 Yon ti minis Batis, sa pa fè lontan nan Tucson, te vin bò kote m, li di: “Frè Branham, men pwoblèm ou. W ap eseye fè aj sa yon aj apostolik.” Li di: “Pagen yon tèl bagay tankou aj aspotolik jodi a. Aj apostolik la fini.”

104 Mwen di: “Se vre? M pat konn sa.”

Alò li di: “Ebyen, se sa.”

Mwen di: “Ou sèten?”

Li di: “Sèten. Mwen sèten,” li di.

“Trè byen,” mwen di, “Kijan w fè panse li fini?”

Li di: “Se te pou apot yo.”

105 Mwen di: “Pyè te di, nan jou Pannkot la. Èske w kwè Pawòl Li?”

“Wi, mesye.”

106 “Li di, ‘Repanti, nou chak, epi batize nan Non Jezikri. Paske pwomès la se pou nou, pou pitit nou, e pou pitit pitit nou, ak tout sa yo ki byen lwen, kòm Seyè Bondye nou an va rele yo.’”

107 Men pwomès sa a, nou dwe retounen a sa! Doktè Simon Pyè te ekri yon preskripsiyan. Bib la di: “Èske se paske pa gen bom nan Galaad? Èske pa gen doktè la?”

Ebyen, ou konnen, si w pran prekripsiyan yon doktè. Lè l jwen yon maladi ki nan kò w, epi li ekri preskrisyon sa a; ou ta fè mye egzekite l, al jwenn kèk famasyen ki va egzekite l jis jan l te ekri a. Paske, li dwe melanje yon kantite pwazon, ak yon kantite antidòt, sitèlman pou ke sistèm ou ka resevwa l. Ou wè, li... Yo déjà eseye l epi epwouve l, e ou dwe pran preskripsiyan an. Si ou pa pran l, ou kite kèk chalatan al chanje sa, li pa konn kouman pou l byen doze medikaman sa a, li va touye w. E si li ajoute yon kantite twòp fèb ladann, li p pap fè w okenn byen.

108 E se sa ki pwoblèm lan ak anpil nan nou, doktè yo. N ap chanje preskripsiyan an!

Pyè di: “M va ban nou yon preskripsiyan etènèl, pou nou, ak pou pitit nou, ak tout sa yo ki byen lwen, osi anpil ke Seyè Bondye nou an va rele yo.” Non, “Vin jwenn ou avè n.” Men, “Repanti, nou chak, epi batize nan Non Jezikri pou padon peche nou, e nou va resevwa rezulta yo,” Amèn, “Sentespri a.” Paske pwomès sa a, preskripsiyan sa a, se pou nou, ak pou pitit nou.”

Kounye a, kèk nan nou doktè chalatan yo, sispann ekri fo preskripsyon sa yo. Ou wè? N ap touye pasyan nou yo. En-en. Se pou rezon sa a vrè Bagay la se pa al bò kote yo. Wi.

109 Ou konnen, sou menm preskripsyon sa a, kouman doktè a jwenn medikaman li. Yo toujou pran e...Syantis yo eseye fè yo on pòtrè de yon bagay, answit yo bay yon kobay li, epi pou yo wè si l ap touye l oswa non.

Epi, ou konnen, medikaman an, gen yon chans pou pran l. Ou, ou ka ale byen, e li ka touye w, ou wè, paske tout moun pa kobay, petèt.

Kifè, men gen yon bagay apwopo preskripsyon sa a, li se pout tout moun.

110 E, alò, nenpòt bon doktè ki p ap...ki gen anpil fwa nan medikaman l, li p ap mande yon lòt moun. Kèk nan yo lach ase pou yo bay li a yon prizonye ki kondane a vi, epi ba l libète si li reziste a sa, fè l pran preskripsyon an.

111 Men, nan plas sa a, nou gen yon vrè Doktè. Li te vini, Li te pran preskripsyon an, Limenm. Ou wè? "MWEN YE." Pa "Mwen pral." "Mwen se larezirèksyon e Lavi," Bondye di. "Sila ki kwè nan Mwen, menm si li mouri, sepandan li va viv. E nenpòt moun k ap viv e ki kwè nan Mwen p ap janm mouri." Mata di...Li di: "Èske w kwè sa?"

112 Li di: "Wi, Seyè, mwen kwè ke se Ou ki Kris la ki te dwe vini nan lemonn. Sa pa gen enpòtans kijan rès lòt yo rele W, mwen m sezi !"

113 Sou kalvè a, Li te pran enjeksyon an Limenm. Epi jou Pak nan maten, lanmò pat kapab kenbe L. "Mwen se larezirèksyon e Lavi." Yo te enjekte lanmò nan Li, men Li te resisite, ak viktwa sou lanmò, lanfè, ak tonbo. Li te pran enjeksyon an Limenm.

E Li te voye kèk doktè pou ekri yon preskripsyon, ki te gen revelasyon de Kilès Li te ye.

"Kilès lèzòm di Mwen ye, Mwenmenm, Fis de Lòm lan?"

114 Pyè di: "Ou se Kris la, Ptit Bondye vivan an."

115 Li di: "Ou se yon nonm Bondye beni, Simon. Ou sezi l kounye a. Mwen ba ou kle wayòm lan. Kèlkeswa sa ou mare sou tè a, M ap mare l nan Syèl. Sa w va lage sou tè a, M va lage l nan Syèl."

116 E nan Jou Pannkot la, lè yo te wè tout bagay sa yo ki t ap pase a, li di...Yo di: "Kisa nou ka fè pou nou resevwa vaksinasyon sa a?

117 Se la li te li preskripsiyan. Li di: "Kounye a m pral ekri yon preskripsiyan. Se pou nou, e pou timoun nou yo, ak tout sa yo ki byen lwen, menm jan ak anpil sa yo Seyè Bondye nou an va rele."

Piga w chanje preskripsiyan an; ou va mouri! Yo sitèlman afebli l, jodi a, jouk li pa anyen ke yon dlo denominasyonèl, se vre, kèk likid pou anbome yo enjekte nan yon nonm ki mouri pou fè l mouri pi plis.

O, men, frè, gen yon onksyon otantik! Genyen yon bom nan Galaad. Se pou gerizon namn lan. Jis piga w chanje preskripsiyan an. Pran preskripsiyan an jis fason li ekri a, e Bondye lye ak Pawòl Li; Li pa lye ak kredo, oswa dògm, oswa denominasyon. Li lye ak Pawòl Li. Swiv preskripsiyan an, sa se premye baz la. Konmanse, answit ou angaje epi ou prè pou al travay.

Remake: "Deyò kan an."

118 Yo chwazi yon Barabas jodi a. Alòske Levanjil la ap fè ale vini, toutotou mond lan, gran siy ak pwodij ap swiv revèy la, men, olye pou yo antre epi pase a laksyon, yo asosye yo ak Barabas. "Anvan nou aksepte bagay san sans sa a, e latrìye, nan legliz nou, n ap rete klasik menm jan avèk lòt yo." Kounye a yo genyen Wòm ak tout lòt ansam, yon Barabas. Remake, nou nan gran kan sa a alò.

119 Nou envite pou n ale byen lwen kan sa a. "Jezi tou, pou ke Li ka pirifye pèp la ak Pwòp San Li, Li te soufri lòt bò baryè a. Ann al jwenn Li lòt bò baryè a," siveye, "antan n ap pote opwòb Li."

120 Poukisa yo te jete opwòb sou Li? Se pa paske Li te Metodis oswa Batis, m ba w garanti sou sa; se pa paske Li te Farizyen oswa Sadiseyen. Paske Li te Pawòl konfime a.

121 "Pote opwòb Li," poutèt (kisa?) Pawòl konfime a. Se sa. Se sa ke Li te fè. Li di: "Si M pa fè zèv Papa M, nou pa bezwen kwè M; si M pa reponn a tout kesyon konsènan Lèzekriti."

122 Jezi Nouvo Testaman an se te Jewova Ansyen an. Se egzakteman sa! Mwen kwè, kòm mwen t ap di nou sa isi a la kounye a, kèk tan de sa, oswa yon kote nan yon reyinyon. Petèt ke se pat isi a. "Jewova Ansyen Testaman an se Jezi Nouvo a." Nou sonje...

Lè m ta pral chase ekirèy jou maten sa, e men li ki te la, te genyen twa gran tij sa yo la ki te kouri yon sèl kote a, sou mòn lan; m te kanpe la ap gade I. Epi m te apwoche pi pre epi m te retite chapo m, depoze fizil mwen, m te monte. E yon Vwa te sekwe bwa yo, Li di: "Jezi Nouvo Testaman an se Jewova Ansyen an. Rete fidèl." Kifè jis anba a men ekirèy yo ki te parèt, alò, yo te vin a legzitzans alòske pat gen okenn la. Ou wè? Se Laverite. Ou wè? Se vre. Kifè, Bondye konnen, devan Sila mwen kanpe a, sa se Laverite. Se egzak. Se Laverite.

123 Anba la nan Kentucky; e gen moun ki chita dirèkteman isi a aswè a, ki te prezan lè sa te pase ankò, menm bagay la. Wi. Nou konnen ke se Laverite; Jezi Ansyen Testaman an!

124 Se tankou lè Chinwa yo te fèk rive pa bò isi, yo pat konn ni li ni ekri lang nou an, men yo te mesye ki te konn fè lesiv. E kifè yo ta...Ou te ka ale nan kay Chinwa kote yo fè lesiv yo. Li te fèk pwokire tèt li kèk ti etikèt blanch transparan. Li pat ka li anyen, e li te konnen ou pat ka li l si l te ekri I. Kifè, lè w te rive la, li te jis pran ti monso papye blan sa a, yon bagay apeprè konsa, ann di, jis isi a, epi li te dechire l on sètèn fason konsa. Bon, li te ba ou yon moso papye epi li te gade lòt moso papye a. Epi lè w retounen pou vin chache lenj ou, li di: "Kite m wè moso papye w la." Epi li te genyen rès lòt moso yo; si li te koresponn, se te sa. Ou repran rad sal ou yo tou netwaye.

125 E Jezi te koresponn a tout pwofesi; chak pòtrè Jewova nan Ansyen Testaman se Jezi nan Nouvo a. Li koresponn a tout bagay.

Pèmèt mwen di sa avèk krent epi respè, men ak lanmou, men ak senserite ke mwen konnen ki kote m kanpe. Mesaj nan lè sa a koresponn a tout sa ke Bib la te pale konsènan lè sa a. Bon, si w gen kèk rad sal, pote yo vini. En-en. Èske w lave nan San Ayo a?

126 Remake, "antan n ap pote opwòb Li," paske Li te Pawòl konfime a. Jan sa te ye lontan, se konsa sa ye kounye a, Li se menm lan ayè, jodi a, ak pou tout tan. Ebre 13:12 epi 13. Nou wè Ebre...8, 13:8, tou. "Pote wont Li," nan Levanjil la.

127 Antan n ap pote Non Li! Li di: "Mwen vini nan Non Papa M." Ki Non Papa a? Li te vini nan Non Papa L. Li di: "Mwen vini nan Non Papa M e nou pa resevwa M." Ebyen? Ki Non Papa a? Mwen panse ke nou ta dwe konnen. Ou wè?

Antan n ap pote opwòb Pawòl la. Yo te toujou pote L deyò kan yo. Yo te mete L alapòt. Yo va pase w nan rizib, epi yo va moke w.

128 E, jodi a, alòske m te konmanse atravè nasyon an...Pa pou m pale de mwenmenm; pa pran sa pèsonèl souple. Men, tan m fini, e mwen rete apeprè dis paj isi a. Nou ka wè sa k rete isi a, ou wè, ou wè, dakò, nan nòt mwen yo. Men, tande. Lè m te fenk konmanse...

129 Èske nou te remake Jezi lè Li te fenk konmanse? "O, jèn Raben an. O, Li te yon Nonm mèveye! Vin bò kote nou. Vin preche nou."

130 Men yon jou Li te chita devan yo, epi Li di: "Si nou pa manje chè Fis de lòm lan, epi si nou pa bwè San Li, nou pa gen Lavi nan nou."

131 Kisa nou panse doktè ak entelekyèl ki te nan foul la te panse? "Nonm sa a se yon vanpi." Ou wè? Li vle pou nou bwè san imen. Sa se twòp pou nou. Elwaye nou de Li. Yo...prèt yo di ke Li te fou; mwen kwè sa." E Bib la di ke yo t al fè wout yo.

132 Epi Li te òdone swasandis predikatè. Epi Li di: "M pa ka gade yo."

Kifè Li te vire je gade yo, Li di: "Kisa n pral di lè nou wè Fis de lòm lan monte nan Syèl kote Li soti a?" Bon, Li pat janm te eksplike bagay sa yo. Li te jis kite yo jan yo te ye a. Ou wè?

133 E yo te di: "Fis de lòm? Kisa? Nou te manje avèk Nonm lan. Nou fè lapèch avèk Li. Nou layite sou plaj la avèk Li. Nou wè bèso kote yo te konn bèse L. Nou konn manman L. Nou konn frè L la. Kilès ki ka resevwa yon bagay Konsa?"

E Bib la di: "Yo pat mache ankò avèk Li."

134 Alò Li te vire bò Pyè ak rès lòt yo, Li di: "Mwen chwazi douz, noumenm douz yo." Bon, pase avèk dè milye, Li redwi ak douz. Li di: "Mwen chwazi douz. Epi, youn nan nou se dyab la. M te konn sa, depi nan kommansman." Li di: "Kounye a èske nou vle pati avèk yo?"

Li pat bezwen dòlote ak chouchoute, epi, "M va fè w yon dyak si w vin mache nan legliz mwen an." Ou wè? Li pat gen okenn enterè pou L defann. Li pat janm menm eksplike I. Ni disip yo pat ka eksplike I.

Men, sonje, Li te jis di yo: "M te konnen nou anvan fondasyon mond lan. M te òdone nou pou nou resevwa lajwa avèk Mwen." Ou wè? Men sa I te ye: "anvan fondasyon mond lan," predestine.

135 Apot sa yo te kanpe la a jis fèm menm jan an. Yo pat ka eksplike kijan yo ta pral manje chè Li epi bwè San Li. Yo pat ka konprann kijan Li janm desann, lè L te la a menm avè yo tout tan. Li pat ka eksplike sa. Moun yo pat ka eksplike sa. Pèsòn pat ka eksplike sa.

Men Pyè te pwononse pawòl remakab sa yo. Pa sezi Li ba I kle yo. Li te di: "Seyè, kot kimoun nou ta vale? Nou konvenki. Nou konnen ke Oumenm, e Oumenm sèl, se konfimasyon Pawòl ki pwòmèt la jodi a. Nou konnen se Oumenm sèl ki gen Pawòl Lavi a. Nou pa ka eksplike bagay sa yo, men nou kwè L, tout jan."

136 Ti Mat te di: "Frè m mouri. L ap lonje nan tonm lan. Li pouri; li santi. Seyè, si W te isi a, frè m lan pa tap mouri. Men menm kounye a, kèlkeswa sa W mande Bondye, Bondye ap ba Ou I." O la la!

137 Li te di: "M se rezirèksyon an ak Lavi a. Sila ki kwè nan Mwen, menm si I te mouri, poutan li va viv. Kèlkeswa moun ki viv epi ki kwè nan Mwen, pap janm mouri. Èske w kwè sa?"

138 Li te di: "Ya, Seyè. M pa ka eksplike sa, men m kwè sa. M kwè ke W se Kris la ki te dwe vini nan mond lan. M kwè, pa Ekriti selèb la, ke W reponn a kalifikasyon an pou Sa."

139 Te di: "Ki kote n te antere I?" O la la! On bagay dwe rive. Tout wou ap vini dwat ansanm nan bon moman an. Ou wè?

140 Li te mache desann al nan tonm lan. Bib lan te di: "Pa gen bote pou n ta anvi li." Petèt yon ti Kanmarad zepòl voute, te kanpe ak ti zepòl li desann, fatige ak bouke poutèt nan mache.

Li te di: "Laza, soti!" Epi yon nonm ki te mouri, depi kat jou, te kanpe sou pye l.

141 Yon fanm Lasyans Kretyèn. Eskize m si m blese santiman nou; se pa sa m vle fè. Yon fanm Lasyans Kretyèn, dwat sot nan legliz sa a, te rankontre m deyò la a yon jou. Epi l te di: "Msye Branham," li te di: "M renmen predikasyon w, men g on sèl bagay ou fè twòp sou li!"

M te di: "Kisa sa ye?"

Te di: "Ou fè granchire twòp sou Jezi."

142 M te di: "M espere se tout sa L gen kont mwen." Ou wè? Ou wè? Ou wè?

143 Li te di: "Ou fè L Diven." Ou wè, yo pa kwè L te Diven. Yo kwè L te jis yon nonm òdinè, bon anseyan, filizòf. Te di: "Ou fè L Diven. E L pat Diven."

144 M di: "O, wi, se sa L te ye."

Li te di: "Si m pwouve w, pa pwòp Bib ou, Li pa Diven, èske w ap kwè li?"

145 M te di: "Bib mwen te di sa, m-m kwè Pawòl la. Se Sa L ye."

Epi l te di: "Nan Sen Jan, chapit 11 lan, lè Jezi te desann nan tonm Laza a, Bib la te di L te kriye."

M di: "Kisa sa gen pou wè avè l?"

Li di: "Ebyen, sa te montre L pat Diven."

146 M di: "Ou jis echwe pou wè Kimoun Nonm lan te ye. Li te toude Bondye ak òm. E kòm yon òm, k ap kriye, lè L t ap kriye poutèt chagren yo. Men lè L te kanpe epi di: 'Laza, soti,' epi yon nonm ki te mouri, depi kat jou, te kanpe sou pye l ankò, sa se te plis pase yon nonm." Wi, mesye! Wi, se vre!

147 E m te fè ekspresyon an souvan, lè L desann sot nan mòn lan lannwit sa a, gangou, Li t on nonm. Li te grangou nan demen maten. Li t on nonm. Men L te pran de biswit ak senk pwason, epi te nourri senk mil, te pran sèt panyen, se te plis pase on nonm. Wi, mesye. Li t on nonm, sou lakwa, lè L te rele: "Bondye M lan, èske W t abandone M?" Lè L te rele: "Ban M on bagay pou bwè," epi yo ba L vinèg ak fyèl, Li t on nonm, k ap kriye. Men nan jou maten Pak, lè L te kase tout so lanmò, lanfè, ak tonm lan, epi te leve vivan, Li te plis pase on nonm.

148 Li t on nonm lannwit sa a, ki lonje sou dèyè ti bato sa a kote L te ye deyò la a ak disip yo, epi di mil demon nan lanmè an te sèmante yo t ap neye L. En-en. Deyò la a nan yon vye ti bak, tankou on bouchon boutèy deyò la a, kon sa; Li te sitèlman fatige, pat menm leve L. Li t on nonm lè L t ap dòmi. Men lè L met pye L sou kòd arebò bato a, apresa te gad anlè epi te di: "Lapè, ret frankil," epi van yo ak vag yo te obeyi L, se te plis pase yon nonm. Se te Bondye!

Pa sezi powèt la te di:

Nan vivan, Li te renmen m; nan mouri, Li te sove m;

Antere, Li te pote peche m byen lwen;

Nan leve, Li te jistifye nan libète pou tout tan;

Yon jou L ap vini, O jou glorye!

149 Wi, mesye! Al byen Iwen kan an. Ki mele m sa sa koute.

Kwa konsakre sa a m ap pote
Jouk lanmò va libere m;
Apresa al Lakay, yon kouwòn pou pote,
Paske g on kouwòn pou mwen.

150 Nan fenmen, m ap di sa. M t ap li yon istwa sa fè kèk tan, sou on jij. Li t on nonm jis, yon bon nonm, yo te renmen l. E te g on gwoup moun nan vil lan ki te panse yo te ka demele tèt yo ak nenpòt bagay, kidonk, yo te plen, kifè yo te louvri yon kay move repitasyon, f on magazen alkòl mache, alkòl, tout bagay kon sa. Sa te ilegal. Epi lalwa te atrap yo, nonm federal la, epi yo te mennen yo nan tribunal. E lè tout moun nan vil lan, ti vil lan te rasanble anndan an, yo te konnen nonm sa a te f anpil bagay nan viwonn la a, mesye ki te fè kote move repitasyon an mache. Epi yo-yo, jiri an, te jwenn mesye a koupab, paske yo te atrap li men l plen. E kidonk apresa jij lan te jwenn li koupab, epi te kondane lè sa a pou tan kantite lane, san kosyon, san apèl oswa anyen, li te voye l, paske se sa lalwa te di.

151 Moun yo sou deyò tribunal la te kouri sou li, epi te di: "Ou konn kisa? Tout moun nan vil sa a pral rayi w!" Te di: "Yo rayi w poutèt ou pran desizyon sa a sou nonm sa a." Yo tout te jwè aza, yomenm. Epi te di: "Nou-nou tout ap rayi w. Nou pap janm eli w ankò. Nou pap janm youn nan nou vote pou ou," ap rele aba dèyè l antan l te desann lari a.

152 Li te kanpe jis on minit, te di: "Kite m di on pawòl." Li te di: "M te fè egzakteman sa ki te devwa mwen. Nonm lan te koupab, sa pa enpòtan kimoun li te ye. E m te dwe kondane l selon lalwa mwen te fè sèman m t ap soutni an."

Li te di: "Yo rayi w nan vil sa a!"

153 Li te di: Men, moun mwen yo, renmen m anpil lakay mwen."

154 Nou ta ka panse menm bagay la, si nou padone ekspresyon an. M te kanpe pou sa yo te sove m pou m fè a, soutni Pawòl Bondye sa a. M konnen denominasyon yo rayi m pou bagay ke m di yo, men yo renmen m anpil Lakay Li, nan mitan pèp Li.

Annou priye.

155 Seyè Jezi, mond lan ka rayi nou, men Papa a renmen nou. Ede nou, chè Bondye. Ede moun sa yo, ke yo chak, Seyè, ke benediksyon W yo va repoze sou yo. Kite n al byen Iwen kan an kounye a. Kite n al byen Iwen pwòp panse nou. Kite n ale pa panse Bondye a. E Bib la te di sa: "Kite lespri ki te nan Kris pou l nan nou." Kidonk kite n panse panse L yo, pa pwòp panse nou, paske pi fò tan nou pa gen rezon. Kidonk, pou n sèten, kite lespri L repoze nan nou. Epi lespri L se te pou fè volonte Papa a, e volonte Papa a se Pawòl Li ki te pwomèt.

156 Kite n al byen Iwen kan an, aswè a, Seyè, epi jwenn Jezi. Nou pap janm jwenn Li pa fè pati legliz la. Nou pap janm jwenn Li pa bay lanmen ak yon minis, oswa-oswa nan siyen kèk credo, oswa yon bagay ke nou pwomèt, pou n al nan lekòl didimanch tan kantite jou nan ane a, e latrìye. N ap sèlman jwenn Li nan Pawòl la, paske L se Pawòl la.

157 E antan n wè jou sa a ki pwomèt, ke L tap sou deyò kan an, yo mete deyò ankò; kounye a ann al byen Iwen kan an, pare pou n pote blam Li; ke mond lan rayi, men ke Sila Ki te envite nou nan Kan an renmen. Akòde l, Seyè.

158 Si gen sila yo isi a ki pa konnen L, e pat janm al byen Iwen kan kèk asosyasyon ak legliz, poutan nou deklare nou s on Kretyen. Men lè n di: "Bagay sa yo, m kwè, se pou yon lòt jou," sa montre li pa ka Sentespri an.

Kijan yon nonm ki ranpli ak Sentespri a ka janm batize nan sèvi ak non "Papa, Pitit, Sentespri"? Lè, Pòl, gwo apot la, te di: "Si yon Zanj vini sot nan Syèl..." Nou ta ka fè l, yon fwa, san pa konn okenn diferans. Moun sa yo te fè l, san yo pa konn diferans lan, nan Ak 19. Men te di: "Yon zanj ki preche nenpòt bagay differan, madichon pou li."

Kijan n ka asepte kèk credo, oswa kèk is, kèk lòt bagay, lè Bib la te di: "Pwomès la sou nou," menm bagay sa a: "vrè batèm Sentespri a"?

159 Kijan Sentespri an, ki te ekri Pawòl la, ka nan nou, ap renye Pawòl la? Kijan L ka renye, lè Sentespri an Limenm menm te di: "Si nenpòt moun va ajoute yon sèl pawòl nan Sa, oswa retire nenpòt bagay nan Li, M ap retire pati pa l lan nan Liv Lavi a"? Kijan Sentespri an lè sa a ka retire nenpòt bagay nan Pawòl la, oswa ajoute nenpòt bagay nan Pawòl la?

160 Zanmi m, ni isi a ni nan mond envizib lan kote kasèt lan prale, envizib pou nou kounye a, kite sa al fon nan kè nou sot nan Mesaj maten an sou ansèyman an, antan n wè kote n ye a. Si nou potko janm pran preskripsyon sa a ke m te pale de li toutalè a, èske nou pap resevwa l? Nou isi a pou n fè tout bagay ke n kapab pou nou, pou ede nou.

161 M sèlman yon temwen. M sèlman yon elektè. Jan n genyen nan Louisville kounye a, Konvansyon Demokrat Kentucky an-an,... Y ap bati yon patfòm pou nomm yo a eli. M ap bati yon patfòm tou pou Seyè m lan. Èske nou pap resevwa L, aswè a, tankou pwòp pa nou?

162 Ak tèt nou bese, ak kè nou, tou, nan moman sa a, èske nou ta vle jis leve men nou epi di Bondye. Pa a mwenmen; m se jis on nomm. Leve men nou bay Bondye, di: "Bondye, gen mizèrikòd pou mwen. M vrèman vle tout bagay sa yo ke m te tande yo. M vle al byen lwen kan an. Ki mele m sa nenpòt moun di." Bondye beni nou. O la la, pou men yo, pou men yo! "M vle ale san kan an. Sa pa enpòtan kisa sa koute m, m ap pran kwa mwen epi pote l chak jou. M pral byen lwen kan an. Sa pa enpòtan kisa moun yo di sou mwen, m vle swiv Li sou deyò kan an. M pare pou m ale."

163 Papa ki nan Syèl la, Ou te wè men sa yo. Petèt yon santèn moun, oswa plis, nan bildin lan, te leve men yo anlè. Seyè, g On Bagay toupre yo kounye a, yon lòt Moun, Moun Kris la, envizib lan pou je natirèl la, epi te lakòz yo pran yon desizyon. Nan pwòp lavi yo, yo konnen antan yo gade nan yon miwa, yo wè g on bagay ki manke. E yo vle pou lavi yo fòme selon pwomès Bondye a, e yo te leve men yo ak pwofon sensèrite. Ede yo, Seyè, al nan gwo pòt la aswè a, nan pak mouton an. Ke yo antre dousman ak nan imilite. Akòde l. Yo pou Ou, Seyè. Trete avè yo.

164 Kounye a, yo pa ta ka pran desizyon sa a, yo pa ta ka leve men yo, san yon bagay sinatirèl. Sa montre g on lavi la a yon kote. Paske, selon lasyans, gravitasyon t ap kenbe men yo anba. Men te g on bagay ki te frape lespri yo, ki te fè yo defye lalwa gravitasyon an epi mete men yo anlè nan direksyon Kreyatè a ki te mennen yo. "Wi, m vle ale nèt ale. M vle al byen lwen kan an, aswè a."

165 Seyè, basen an pare paske premye mouvman an apre repantans, apresa se batize, epi yon pwomès pou resevwa Sentespri an. Nan dènye jou sa yo, yon apèl pou tounen nan Lafwa orijinal lan, preskripsyon orijinal la! Nou wè twòp moun lwen Kris, ap mouri anba lòt preskripsyon sa yo ki fèt pa lòm. Yo ka trè bon nan denominasyon yo, men, Seyè, m-m vle preskripsyon W la.

Ou se Doktè nou. G on Doktè. G on remèd nan Gilead. G on Doktè isi a, aswè a, pou geri chak nanm malad nan peche, pou geri chak èt fizik. Gran Doktè nan tout tan yo, gran Kreyatè syèl la ak latè a, vini kounye a, èske W vle, nan mitan nou, epi pale avè nou. Nan Non Jezikri.

166 Padan chak moun ap priye nan kè yo: "Seyè Jezi, ede m kounye a!" Epi si nou pat janm batize, epi nou gen konviksyon...M pat preche sou batèm. Men nou gen konviksyon ke n ta dwe batize nan batèm Kretyen, sèl fason ke nenpòt Kretyen...

167 E si n ta vin anwo La a, batize nan yon lòt fason, epi menm Jezi Ki te di: "Moun k ap pran yon sèl Pawòl, oswa ajoute yon sèl pawòl, y ap retire menm lan nan pati pa l lan nan Liv Lavi an"? Jezi te di sa. E L te di: "Tout Ekriti yo enspire e dwe akonpli." Kounye a nou konnen yon fason diferan. Kisa n pral fè sou sa?

168 Si n te sèlman g on sansasyon oswa on bagay! M kwè nan sansasyon. Si n te sèlman danse nan Lespri a, te pale nan lang! M kwè nan sa, tou. Men si se tout lwen an sa, e lespri nou nan nou di nou pa swiv Pawòl la lè n konnen Se vre, g on bagay ki pa bon ak lespri sa a. Se pa Sentespri an. Li pa ka sa. Ou wè, Li t ap idantifye Pwòp Pawòl Li. Nou konn sa. Nou ka pare pou n vin kounye a pandan n ap priye.

169 Jezi de Nazareth, vin toupre kounye a epi pale ak chak kè. M remèt yo ba Ou. Ke yo vin...Tout men sa yo, yo se twofe Mesaj la, Seyè, sot nan Ou, epi gwo grandè Prezans Ou ki avè nou kounye a. Nenpòt nonm ki sensib pou Lespri a ka di ke W isi a, gran sansasyon bagay sakre sa a. Akòde I, Seyè, jis kounye a, nan Non Jezikri.

Kounye a ak tèt nou koube.

170 Si gen dèzòm isi a ki ta vle batize nan Non Jezikri, vle repanti, vle chache batèm Lespri a, g on sal ki louvri sou bò gòch mwén; fanm yo, a dwat. Pral g on moun anndan la a pou enfòme nou. Gen rad pou batèm k ap tann, tout bagay.

171 Kounye a, pandan nou kenbe tèt nou koube, ap chante. "M ka tande pa m..." N ap rankontre avè nou.